



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI YA 12

TSHIVENDA LUAMBO LWA HAYANI (HL)

BAMMBIRI LA VHUVHILI (P2)

LUHUHI/THAFAMUHWE 2014

MEMORANDAMU

MARAGA: 80

Memorandamu uyu u na masiatari a 23.

KHETHEKANYO YA A: VHURENDI**VHURENDI HO RANDELWAHO/GUDELWAHO****MBUDZISO 1** (Mbudziso ndapfu)**NELSON-MANDELA – LR NDHLOVU**

KHA VHA DZHIELE NZHELE: Vha shumise adendamu iyi khathihi na rubriki i re magumoni a memorandamu uyu.

Marangaphanda:

Thalutshedzo ya tshirendo ndi zwine tshirendo tsha amba zwone. **Ndima/tshitanza** i faredza muhumbulo wo fhatwaho nga vese/mitaladzi. **Mutevhetsindo** ndi ndila ine tshirendo tsha elela ngayo musi tshi tshi rendwa. Tshi nga rendwa nga u tavhanya zwi tshi bva kha u takala ha murendi kana tsha rendwa nga u ongolowa zwi tshi bva kha vhudipfi ha murendi musi a tshi nwala tshirendo tshawe.

Mutumbu:

Tshirendo itshi tshi amba nga ha vhutungu he Vho-Mandela vha tangana naho u bva vhukuni havho na musi vha tshi tambudziwa nga muvhuso wa tshitulula. Murendi u whilahela nga u vhona vhatu vha tshi tambudza murangaphanda wa lushaka vha sa zwi divhi. Hezwi zwi ita uri tshirendo tshi rendwe nga ndila ya u ongolowa ngauri murendi ho ngo takala.

Kha ndima/tshitanza 1, mutevhetsindo ndi wa u ongolowa. Murendi u sumbedza vhutungu he mme a Vho-Mandela vha vhu pfa musi vha tshi bebiwa.

Ndima/tshitanza 2, murendi u sumbedza vhutungu he Vho-Mandela vha tangana naho malisoni vha tshe mutuku. Hezwi zwi ita uri ndima heyi i rendwe nga u ongolowa.

Ndima/tshitanza 3, murendi u sumbedza tshituhu tshe Vho-Mandela vha itelwa tshone nga muvhuso wa tshitulula u tshi vha valela Robben Island na u tambudzelwa pfunzo ya Bantu Education. Mutevhetsindo une ra u wana kha ndima heyi ndi wa u ongolowa ngauri hu na vhutungu vhune murendi a khou vhu pfa nga u tambudziwa ha Vho-Nelson Mandela.

Kha ndima/vese 4, mutevhetsindo ndi une wa ongolowa. Murendi u pfa vhutungu a tshi vhona Vho-Nelson Mandela vho tambudziwa nge vhatu vha shaya ndivho ya u ri ndi murangaphanda o dinetshedzelaho u tshidza vharema.

Mapendelo:

Murendi o kona u shumisa ndima na mutevhetsindo nga ndila ine zwa t̄tuwedza thalutshedzo ya tshirendo itshi – mitaladzi ya ndima i elela nga u ongolowa ngauri tshirendo tshothe hetshi tshi dzikusa vhutungu musi ri tshi pfa nga ha u tambula ha Vho-Mandela.

[10]

MBUDZISO 2 (Mbudziso pfufhi)

- 2.1 'Nda t̄amba nda t̄ambuluwa' kana 'Mitodzi yo bva ya fhalala'. (1)
 - 2.2 U khou amba uri tsireledzo o i wana kha Mudzimu naho o lohelwa nga mme a tshe mūtuku. (1)
 - 2.3 Uri ūwana arali o lohelwa nga mme a tshe mūtuku u aluwa a tshi tambula nga u shaya thikedzo yo fhelelaho/U felwa nga mme u tshe lushie/mūtuku ndi zwithu zwi vhavhaho/pfisaho vhutungu vhukuma. (2)
 - 2.4 C/Yo t̄utshelwa nga mme. (1)
 - 2.5 Lifanyisi – mapfura a nakisa muthu, murendi u tama u vha wavhudzi/zwi mūnakele vhunga vhaiwe vhathu naho o bebwa e tsiwana. (3)
 - 2.6 Ee, ngauri nyimele ye ya vha i khayo ya u lohelwa nga mubebi e lushie i a pfisa vhutungu. Nwana mūnwe na mūnwe a tshi aluwa u t̄oda mubebi tsini. (2)
- [10]

MBUDZISO 3 (Mbudziso pfufhi)

- 3.1 Lumongwe. (1)
 - 3.2 Zwi amba u vha na thumbu. (1)
 - 3.3 Uri muthu a tshi ita zwithu zwivhi o dzumbama a tshi ri a zwi nga vhonali, zwi a bvela khagala a fhedza o wela khomboni/zwo d̄ivhea/Nwana a tshi kaidziwa kha pfe ngauri u sa pfa hu t̄unya mavhudzi. (2)
 - 3.4 B/a tshi pfana na vhatukana vhanzhi. (1)
 - 3.5 Lifanyamuthu – shango li fanyiswa na muthu, li a 'fhisā', na 'vhutshilo' vhu ofhisaho. Nwana hoyu nga u sa pfa a tshi kaidzwa, zwino shango lo mū 'fhisā', o t̄angana nazwo/u khou pfa vhutungu. (3)
 - 3.6 Hai, o tou tshila vhutshilo vhu si havhudzi ene mūne o dzumbama a tshi vhona u nga a zwi nga bveli khagala/Ho ngo pfa vhabebi vha tshi mu kaidza uri a songo ita zwa vhatukana/vhudzekani. (2)
- [10]

MBUDZISO 4 (Mbudziso pfufhi)

- 4.1 'mugobi'. (1)
- 4.2 Uri o sia vhana vhawe vha tshe vhatuku. (1)
- 4.3 Uri vhana vha lohelwaho nga mubebi vha tshe vhatuku vha sala vha tshi tambula nga u shaya thikhedzo ya mubebi/U felwa nga vhabebi vhana vha tshee vhatuku ndi zwithu zwi vhavhaho/pfisaho vhutungu nga maanda/murendi u sasaladza mabulayo a vhabebi a siaho vhana vho no vha zwisiwana. (2)
- 4.4 B/vhulahelwa mme avho. (1)
- 4.5 Lifanyamuthu – u dzhia zwifhondo sa vhana vhane vha kaidzwa vha pfa; u khou vha kwengweledza uri vha fhumule u lila vhunga ndifhedzo i tshi do bva ha Mudzimu. (3)
- 4.6 Ee, ngauri vha shaya tsireledzo na lufuno Iwa mubebi nge vha vhulahelwa mme nga muvhi. (2)

[10]

VHURENDI VHU SONGO GUDELWAHO/RANDELWAHO**MBUDZISO 5 (Mbudziso ndapfu)****IWE MUNNA WEE!: LR NDHLOVU**

KHA VHA DZHIELE NZHELE: Vha shumise adendamu iyi khathihi na rubriki i re magumoni a memorandamu uyu.

Marangaphanda:

Kunangele kwa maipfi ndi ndila ine murendi a nanga maipfi o pfumaho/kamataho vhurendi. Maipfi enea a vha a songo dowelea. **Limudi** ndi zwine murendi a dipfisa zwone tshirendoni tshawe.

Mutumbu:

Murendi ha ngo takala. U khou sasaladza zwiito zwa munna zwo bvaho ndilani zwine zwa nengisa na u sa tanganedzea. Kutshilele kwave na kwa mmbwa a zwo ngo fhambana. U ita zwa vhudzekani na vhana vhatuku na zwutukana a tshi phaadaladza malwadze. Murendi u tama munna hoyu mulayo u tshi mu dzhiela vhukando. U bveledza muhumbulo hoyu, murendi o shumisa maipfi o pfumaho vhurendi a tevhelaho:

- Likumedzwa la zwihevhehevhe – u solelwa mishumo mivhi.
- Zwikongomoti – vhatu vha si na mushumo nahone vha sa dzhielwi nthu.
- Mishumo i bvulaho na zwiambaro – zwi shonisaho zwa muthu.

- Zwikhoho – kutshilele ku fanaho na kwa mmbwa ya nduna.
- Thurumudzha maleri – u bvula zwiambaro zwa vhana vhatuku u sa londi u tshi todou ita zwa vhudzekani.
- Shango nga li u pfe mare – vhatu vha tea u mu nyalela zwiito zwawe
- Nongokanywe – u katudziwa kha zwiito zwivhi nga u dzhielwa vhukando nga mulayo/ha tsha do vhona/u si tsha vha na nyemulo.
- Małanza – u nengisa ha zwiito zwivhi/kutshilele ku si kwavhuđi kwa munna
- Ragalandza – u ita zwa vhudzekani na zwitukana zwituku nga ndila ya u kombetshedza.
- Gobela – u phađaladza malwadze.

Mapendelo:

Murendi o kona kunangele kwa maipfi nga ndila i fushaho lune kwa tutuwedza limudi tshirendoni itsi. Maipfi haya a bva kha muthu a songo takālaho, o sinyuwaho, ane a khou gwalaba na u sasalandza zwiito zwi shonisaho zwa vhana vhainwe fhano shangoni.

[10]

MBUDZISO 6 (Mbuziso pfufhi)

- 6.1 Mitaladzi/vese 3: 'Wa solwa na nga zwikongomoti zwa shango'. Ndi ipfi 'zwikongomoti'. (2)
- 6.2 Mitaladzi/vese 14 – 15: 'Hune iwe wa ragalandza na zwitukana malaloni au' na 'Zwitshili zwa malwadze wa gobela sa luvhele'. (2)
- 6.3 Zwiito zwa munna hoyu a zwo ngo fhambana na zwa mmbwa ya nduna ngauri u ita zwa vhudzekani na zwana zwituku zwi sa athu swika u lugela u ita zwa vhudzekani. (2)
- 6.4 Lifanyisi – u fanyisa u nengisa ha zwiito/kutshilele kwa munna hu fanaho na u nengisa ha małanza. (2)
- 6.5 Ee, hu na vhanna vhane vha tshila nga ndila yeneyi vha tshi ita zwa vhudzekani na zwana zwituku vha tshi phađaladza malwadze. (2)

[10]

THANGANYELO YA KHETHEKANYO YA A: 30

KHETHEKANYO YA B: NGANEA**MBUDZISO 7 (Mbudziso ndapfu)*****TSHI DO LILWA – NE PHASWANA***

KHA VHA DZHIELE NZHELE: Vha shumise adendamu iyi khathihi na rubriki i re magumoni a memorandamu uyu.

Maraga dza tshivhumbeo na luambo dzi avhelwe nga ndila i tevhelaho:

- Arali e kha khoudu 6-7 u wana maraga 4
- Arali e kha khoudu 4-5 u wana maraga 3
- Arali e kha khoudu 1-3 u wana maraga 2

Marangaphanda:

Muanewa **dendele** ndi muanewa ane zwiitei zwinzhi zwa mona nae kana zwa kwama ene buguni. Ndi ene ane a vha na thaidzo buguni. **Khuđano** ndi u lwa kana u fhambana ha vhaanewa buguni zwi tshi nga bva kha kuhumbulele, nyito, mvelele na kutshilele. Hu na khuđano ya nga ngomu na ya nga nn̄da. Ya nga ngomu i bvelela muhumbuloni wa muanewa (musi mihibulo i tshi khou lwedzana). Ya nga nn̄da i bvelela musi vhaanewa buguni vha tshi tou farana kana u semana na musi vha khou vhangisana, kana u lwela vhuimo, kana u vhivhana, nz.

Mutumbu:

Muanewa dendele ndi Vho-Luvhone ngauri ndi vhone vhane zwiitei zwinzhi zwa disendeka khavho. Fhedzi-ha ri nga si ambe Vho-Luvhone ra sia Vho-Emeli vhunga vha muđa muthihi. Vho-Emeli ndi vhone muvhangi wa khuđano dzine ra dzi wana nganeani iyi. Khuđano dzine ra dzi wana nganeani iyi ho đalesa dza nga nn̄da. Kutshilele kwa Vho-Luvhone kwa u kundelwa u dzhia vhuimo havho sa đoho ya muđi, ku ri đisela khuđano dzi tevhelaho.

- Kutshilele kwa Vho-Emeli kwa u vha na vhuovheleli na u funesa zwithu zwa nthesa ku vhanga khuđano muđani wa ha Nethulwe.
- Muđani wa ha Nethulwe hu vha na zwikolodo zwinzhi zwine Vho-Luvhone sa đoho ya muđi vha balelwa u zwi badela.
- Vha fhambana na musadzi wavho zwi tshi itiswa nga u balelwa u dzhia vhudifhinduleli sa đoho ya muđi.
- U vhone u anda ha zwikolodo Vho-Luvhone vha ya banngani u ya u đoda thuso ya masheleni, fhedzi vha fhedza vho fhambana na muhulwane wa banngani nge vha dziđwa masheleni.
- U vhone zwe rali, vha ya kha Luambo wa ramabindu u đoda thuso ya masheleni, na heneffa zwa kondđ, vha fhedza vho fhambana.

- Vho-Luvhone vha halifhela mufumakadzi wavho we a vha a tshi khou vha vhudza nga tshikolodo tsha vhengeleni ḥa zwiambaro, lwe vha fhedza vho laṭa na founu fhasi, vha lidza na tsānwa.
 - Vho-Luvhone vha fhuredzwa nga fobvu Dzhalagoma vha vho ḫidzhenisa kha zwa vhugevhenga. Hezwi zwi ita uri vha lwe na mulayo.
 - Vho-Luvhone vha fhambana na mufumakadzi wavho nge vha vha vhudza uri vha ḫiita poswo ya Sibasa musi vha tshi ṭanganedza lunwalo lwe vha fhiwa nga nwana uri vha ye u fha mme awe. Vho ḫo dzhena mbitini lwe Vho-Emeli vha fhedza vho tou humbelna pfarelo.
 - Vho-Luvhone vha balelwa u shuma mishumo ya tshikolo nga u ḫidzhenisa kha zwa vhugevhenga zwa ita uri vha fhambane na ḥohoyatshikolo, ḥa vha u vhasa mulilo.
 - Vho-Luvhone vha reilela magevhenga vha tshi enda vha tshi tswa na u pwasha dzibannga vha tshi khou lwa na mulayo hezwi ha vha u ḫiokela masimbe n̄tha ha ḥohoh.
 - Vho-Luvhone vha vho vha na mbilaelo ya uri vha khou khoḍelwa u vha mureili wa ndele kha mushumo wa vhugevhenga madzuloni a u vha 'luvhone' kha/lwa lushaka, luvalo lu khou lwa navho hafha (khuḍano ya muhumbulo).
 - Vho-Luvhone vha dovha hafhu u fhambana na ḥohoyatshikolo vhe vha vha tshi khou vha humbelna uri vha songo litsha mushumo, vhone vha vha vhudza uri a vha ḫodi u dzheniswa khothe sa muthu o vhulayaho muthu.
 - Vho-Luvhone na Vho-Emeli mufumakadzi wavho vha lwa na mulayo nga u ḫidzhenisa kha zwa vhugevhenga (u rengisa mbanzhe, u homboka, nz.).
 - Kutshilele kuvhi kwa Vho-Luvhone ku ita uri vha fariwe nga murahu ha musi Dzhalagoma o dzhenwa nga muya wa Mudzimu, a vho ambulula vhuvhi hoṭhe he a vha a tshi khou ita navho. Vha fhedza vho farwa vha valelwa khothoni.

Mapendelo:

Muriwali o kona u ri bvisela kutshilele kwa Vho-Luvhone nga ndila i fushaho lune kwa tutuwedza khudano nganeani iyi. Vhone na mufumakadzi vho mbilimbidana na khudano hedzi dza fhedza dzo vha kunda lwa u isa khothoni.

[25]

MBUDZISO 8 (Mbudziso pfufhi)

TSHI DO LIL WA – NE PHASWANA

- 8.1 - Vha khou vhilahela nga thundu yavho ine ya khou todou rengiswa.
- Zwe Luambo a vha vhudza uri vhadededzi a vha holi.
- U sa kona u wana masheleni a u badela.
- U andadzwa kha gurannda u itela u rengiswa ha ndaka yavho.
(Zwihiwe na zwihiwe zwivhili)

Vhune ha khandiso iyi ho vhaledzwa

Iyani kha siatari li tevhelaho

- 8.2 Ndi musi vha tshi khou gungula nge Luambo a vha dzima tshelede ya u rengulula thundu dzavho, ngeno vha tshi humbula uri a nga da a dici renga/Vho sinyutshela Luambo ane madzuloni a u vha thusa, a vho humbula u tou vha khokhovhedza tshothe. (2)
- 8.3 Vhothe vha na vhuhovheleli ha u funesa tshelede nnzhi. (2)
- 8.4 Vhutamatama ho kalulaho ha zwa madzanga na vhugevhenga zwi a wedza muthu khomboni/vhugevhenga a hu vhuedzi tshaho. (2)
- 8.5 Vho ya u toda thuso ya tshelede banngani na kha Luambo. (2)
- 8.6 Vha fhambana ngauri Vho-Emeli vha tou vha tshigevhenga tsha tsiko, ngeno Vho-Luvhone vho tou dzeniswa nga thoho nga nwambo wa yone milandu. (2)
- 8.7 Vho-Emeli vho pfa vho tshuwa nga maanda nga zwe zwa bvelela kerekenei vha tshi humbula uri ndi hone vho wanala vha do farwa vhunga Dzhalagoma o phula tshiphiri tshothe. (1)
- 8.8 Ndi ngauri vho vha vho ya hothe he vha vha tshi khou humbula uri vha do wana thuso ya tshelede, fhedzi zwe vhutoto/zwa bala. (2)
- 8.9 Vho farwa nga mapholisa vha fhedza vho vha valela khotoni. (2)
- 8.10 A vha ofhi zwithu/a vha na luvalo, arali vha tshi khou ita tshithu a vha londi uri mvelelo dza hone dici nga vha dzifhio/a vha vhavhaleli munna wavho, vha funesa madzanga (na zwiniwevho zwi pfalaho). (2)
- 8.11 C/O vha a tshi khou toda u renga thundu dzavho. (1)
- 8.12 Vhudifari ha Vho-Luvhone a vhu pfali, vha sokou fhumula vha si ambe tshithu Vho-Emeli vha tshi ita zwikolodo zwi tshi dala mudi vha sa vha kaidzi/a vha na vhudifhinduleli sa thoho ya mudi. (2)
- 8.13 U lingedza nga ndila dzothe u toda thuso ya tshelede ine i nga lifha zwikolodo hu si u toda nga ndila ya u didzhenisa kha zwa vhugevhenga lini. (3)
- [25]

MBUDZISO 9 (Mbudziso ndapfu)

BULAYO LO TALIFHAHO – AW MAGAU

KHA VHA DZHIELE NZHELE: Vha shumise adendamu iyi khathihi na rubriki i re magumoni a memorandamu uyu.

Maraga dza tshivhumbeo na luambo dzi avhelwe nga ndila i tevhelaho:

- Arali e kha khoudu 6-7 u wana maraga 4
- Arali e kha khoudu 4-5 u wana maraga 3
- Arali e kha khoudu 1-3 u wana maraga 2

Marangaphanda:

Muanewa **dendele** ndi muanewa ane zwiitei zwinzhi zwa mona nae kana zwa kwama ene buguni. Ndi ene ane a vha na thaidzo buguni.

Khudano ndi u lwa kana u fhambana ha vhaanewa buguni zwi tshi nga bva kha kuhumbulele, nyito, mvelele na kutshilele. Hu na khudano ya nga ngomu na ya nga nnda. Ya nga ngomu i bvelela muhumbuloni wa muanewa (musi mihibulo i tshi khou lwedzana). Ya nga nnda i bvelela musi vhaanewa buguni vha tshi tou farana, u semana, na musi vha tshi tou lwa, kana u lwela vhuimo, kana u vhivhana,nz.

Mutumbu:

Nganeani iyi mutambi dendele ndi Vho-Joel Lugisani vha Tshiozwi. Kutshilele kwavho kwo vhanga khudano ngauri vha imelela ngoho. Vho-Mandiwana na lugwada lwavho vha a zwi sanda hezwi. Hezwi zwi ita uri vha vhe na vivho na vengo lwe vha fhedza vha tshi tovholo Vho-Lugisani.

- Vho-Joel Lugisani vha imelela Sandani Mawelewele kha mulandu wa u pfi ho ngo badela tshelede, vha mbo di kudana na vhavenda Vho-Langanani Mandiwana na vhamusanda Vho-Mukhetho.
- Vha dovha hafhu vha imelela Khumela Rabambukwa kha mulandu wa u pfi o fhisa mudi wa Vho-Tshikweta ngeno hu vhone vha vho tou fhisa, zwa ita uri vha kudane na Vho-Mandiwana khathihi na Vho-Mukhetho.
- Ri wanà vha tshi kudana na Vho-Sam Mamidze musi vha tshi ri sa mufunzi kha vha farele Phundulu we a vha sukumedzela dindini vha huvhala kha shama.
- U nea vhuñanzi ha uri Vho-Mariña ndi vhone vho lumaho Vho-Mmbi kha tswaro hu si mmbwa, Maphangule; hezwi zwa ñanisa khudano na vengo.
- Vho-Lugisani vha hana mitambo ya sialala vha ri kha ri lingedze ya musalauno uri hu bviswe vhatukana badani zwa ita uri vha kudane na Vho-Mandiwana na Vho-Mukhetho.
- Vho-Lugisani vha funiwa nga Vhamusanda Vho-Mphaga nga u shumesa havho vho diimisela zwa vho ita uri vha vhengiwe nga Vho-Mandwana na lugwada lwavho.

- U ḥoda havho sunga-sunga kha vhathu zwo vha luṭanya na vhadzulapo vha Dovhoni, ngeno zwo itiswa nga Vho-Mandiwana, Vho-Mukhootho na Vho-Mamidze.
- U bveledzisa havho muvhundu wa Dovhoni zwo ita uri vha vhengiwe nga Vho-Mandiwana na khonani dzavho.
- U zwifheliwa ha Vho-Joel Lugisani musi ho riwaliwa luniwalo lwa u pfi vha khou vhanga vhuhosi ha Dovhoni, zwo vha luṭanya na Vho-Nyamalwela Singo na Vhamusanda Vho-Mphaga vhaṇe vha shango.
- Kutshilele kwavho kwa vhudi, naho kwo vha ku tshi sandiwa nga Vho-Mandiwana na lugwada lwavho, kwo ita uri ku vha disele zwivhuya nge vha pfufhiwa nga vhuhosi.

Mapendelo/Magumo:

Muniwali vho kona u ri bvisela kutshilele kwa Vho-Lugisani nga ndila i fushaho lune kwa ṭutuwedza khuḍano nganeani iyi. Vhathu vha lwa na u sanda uyo a imaho na ngoho, a shumelaho vhathu, nahone a disaho tshanduko/mvelaphanda shangoni.

[25]

MBUDZISO 10 (Mbudziso pfufhi)

BULAYO LO TALIFHAHO – AW MAGAU

- 10.1 -Vho hudza midi u bva kha ya 20, zwino yo no vha 600
 -Vho fhatisa tshikolo na kiliniki
 -Vho bwisa madi
 -Vho itisa mabindu manzhi. (Zwivhili fhedzi) (2)
- 10.2 Ndi nge vha wanala vhe kha vhubulu ha u vusa mufhirifhiri kha la Dovhoni. (2)
- 10.3 Vhothe ndi vharangaphanda vha tshilaho vhe ngohoni, nahone vha ṭutuwedza mvelaphanda shangoni. (2)
- 10.4 Vivho na vengo zwi a wedza muthu khomboni/a zwi vhuedzi tshithu. (2)
- 10.5 -Ndi nge vha pfa uri vho riwala luniwalo lwa u vhanga vhuhosi ha Dovhoni.
 -Vha vha humbulela uri vha nga vha vha tshi khou swendelela kha vhatanuni vhavho. (2)
- 10.6 Vho-Nyamalwela Singo na Vho-Muofhe vhothe vho dzenwa nga nyofho vhunga vha sa funi zwa dici khakhathi. (1)
- 10.7 Vho humbula uri vha do fareliwa nga Vho-Mphaga, la mbo di vha lo lala. (2)
- 10.8 Yo itiswa nga u tshuwa nge vhathu vhanzhi vha vha vha tshi khou imba fhasi ha muri wa muṭovuma. (2)

- 10.9 O do farwa nga mapholisa a fhedza o valelwa dzhele. (2)
- 10.10 Ku vha bvukulula sa muthu a re na vivho na vengo, a sa ambi ngoho ane a dovha a funa u lu^{tan}ya vhathu. (2)
- 10.11 B/Munna wa kale wa muvhili wo fha^{te}aho zwavhudi. (1)
- 10.12 Hai, a zwi pfadzi ngauri Vho-Mamidze ndi mufunzi, vha fanela u tshila nga ndila ya mulalo, fhedzi a two ngo ralo/vha na vhumbulu na u vhulut^{any}i. (2)
- 10.13 Ndo vha ndi tshi do lingedza nga ndila dzo^{the} uri zwi bvele khagala uri a si nne ndi khou vhangaho vhuhosi/Ndo vha ndi tshi do toda thuso mapholisani u ri vha toduluse muthu ane a khou ntshata matope uri a pfiswe vhutungu (kana zwi^{ne}vho zwi pfalaho). (3)
- [25]

MBUDZISO 11 (Mbudziso ndapfu)

MAFELADAMBWA – NE SIGOGO

KHA VHA DZHIELE NZHELE: Vha shumise adendamu iyi khathihi na rubriki i re magumoni a memorandamu uyu.

Maraga dza tshivhumbeo na luambo dzi avhelwe nga ndila i tevhelaho:

- Arali e kha khoudu 6–7 u wana maraga 4
- Arali e kha khoudu 4–5 u wana maraga 3
- Arali e kha khoudu 1–3 u wana maraga 2

Marangaphanda:

Muanewa **dendele** ndi muanewa ane zwiitei zwinzhi zwa mona nae kana zwa kwama ene buguni. Ndi ene ane a vha na thaidzo. **Khudano** ndi u lwa kana u fhambana ha vhaanewa zwi tshi nga bva kha kuhumbulele, nyito, mvelele na kutshilele kwavho. Hu na khudano ya nga ngomu na ya nga nn̄da. Ya nga ngomu i bvelela muhumbuloni wa muanewa(musi mihibulo i tshi khou lwedzana). Ya nga nn̄da i bvelela musi vhaanewa buguni vha tshi tou farana, u semana, na musi vha tshi tou lwa, kana u lwela vhuimo, kana u vhivhana,nz.

Mutumbu:

Muaanewa dendele ndi Mawela. Mawela u tshila a tshi sokou wela mafhungo nga nthā a si na vhutanzi nao. U sokou didzhenisa zwithuni zwi sa mu kwami. Kutshilele hokwu kwa Mawela kwo mu vhangela khu^{dan}o dzi si na vhukono.

- Mawela u didzhenisa kha mafhuno a u humbulela Vho-Maemu uri ndi muloi, ngeno a si na vhułanzi nazwo; o tou pfa nga makhadzi wawe Vho-Małodzi na mme awe Vho-Sara vha tshi khou sola e hone.
- U thoma u vhenga Vho-Maemu a tshi ri ndi vhone vhane vha khou mu tshivha uri zwithu zwave zwi si tshimbile zwavhuđi.
- Mawela u didzhenisa tshothe kha zwa vhutendatenda ha zwa vhuloi, zwa ita uri a vhengane na Vho-Maemu.
- U riwala luñwalo/vhurifhi ha uri ha nga leli Khushumusi hayani ngauri u do vha o itela Vho-Maemu zwi songo daho.
- Mawela u diimisela u lifhedza, ndi ngazwo o todà makhomurethe a u mu thusa u fhisedzela Vho-Maemu nduni yavho vho edela.
- Mawela u wanetshedzwa a tshi khou todà u fhisedzela mudi wa ha Lialama nga petirolo, a farwa a vhofhiwa a valelwa nduni nga Vho-Lialama.
- U ri u farwa, a valelwa dzhele, ha mbo vha u tshinyalelwia nga vhumatshelo hawe tshothe.

Mapendelo/Magumo:

- Muñwali o kona u bvisela khagala kutshilele kwa Mawela nga ndila i fushaho lune kwa tutuwedza khuđano nganeani iyi. Kutshilele hokwo kwa Mawela zwi khagala uri kwo mu vhangela khuđano dzi sa takuwi, zwi fhedzaho nga musi a tshi farwa a valelwa dzhele; ha mbo vha u mođa ha vhumatshelo ha uyu riwana a songo thanya zwone kha zwa pfunzo.

[25]

MBUDZISO 12 (Mbudziso pfufhi)

MAFELADAMBWA – NE SIGOGO

- 12.1 - Vha khou vhilaedzwa nga fhungo la u pomokwa vhuloi.
- Tshiñwe hafhu ndi u todou fhisedzelwa nduni hu si na tshe vha tshinya. (2)
- 12.2 Vho-Lialama vho mu fara vha mu vhofha. (2)
- 12.3 Vho-Nyalufhenene ndi khaladzi a Vho-Lialama/Ndi khaladzi na khaladzi. (1)
- 12.4 Muthu a songo sokou wela-wela kha mafhuno ane a si vhe na vhułanzi nao ngauri zwi a wedza khomboni. (2)
- 12.5 - O riwalela luñwalo Tshisamphiri a ri khushumusi ha nga do i lela hayani, u do vha o itela Vho-Maemu zwi songo daho.
- O todà makhomurethe uri a mu thuse kha u fhisedzela Vho-Maemu ngomu nduni. (2)
- 12.6 Vhothe ndi vhatu vhane vha si fune dzikhakhathi. Vha dzulela u khuthadza mića yavho. (2)

- 12.7 Vho ^hdifhumulela vha lindela mupomoki a tshi tou ^hda ene mu^hne u amba zwo mu dinaho. (2)
- 12.8 O pfa Tshisamphiri a tshi ri Mawela o ^hiwala lu^hwalo a tshi ri u ^hdo itela Vho-Maemu zwi songo ^hdaho zwine zwa ^hdo ita uri a si ^hlele Khushumusi hayani/O vha o tshuwa uri vhabebi vhawe vho langaniwa u ^hdo huvhadzwa/u vhulawa/dzhenelwa vhusiku. (2)
- 12.9 O fhedza o fariwa a fhelelwa nga tshikolo/vhumatshelo/o valelwa dzhele. (2)
- 12.10 Muthu a no sokou welawela kha mafhungo ane a sa vhe na vhutanzi nao/ha londi uri a ^hdo mu dzhenisa khakhathini/Muthu a sa ^hdihumbuleli a kandaho nga ^hnayo dza vharwe zwe zwa vhuya zwa mu swikisa kule. (2)
- 12.11 C/Zwithu zwivhi zwa vhuya zwa vhonala a zwi tsha shavhisa. (1)
- 12.12 Vhu a pfala ngauri a vha ^htodi u sokou ^hdidzhenisa kha mafhungo ane vha si vhe na vhutanzi nao vha tshi shavha dzikhakhathi. (2)
- 12.13 Ndo vha ndi tshi ^hdo mu fara nda mu isa mapholisani uri vha mu dzhiele vhukando ha mulayo (phindulo i^hwe na i^hwe i pfalaho). (3)
- [25]

THANGANYELO YA KHETHEKANYO YA B: 25

KHETHEKANYO YA C: DIRAMA**MBUDZISO 13 (Mbudziso ndapfu)*****HA U TSA NDI HA U GONYA – LL Mafenya, NA Milubi******Na zwone zwi a dina – LL Mafenya***

KHA VHA DZHIELE NZHELE: Vha shumise adendamu iyi khathihi na rubriki i re magumoni a memorandamu uyu

Maraga dza tshivhumbeo na luambo dzi avhelwe nga ndila i tevhelaho:

- Arali e kha khoudu 6–7 u wana maraga 4
- Arali e kha khoudu 4–5 u wana maraga 3
- Arali e kha khoudu 1–3 u wana maraga 2

ADENDAMU**Marangaphanda**

Nwongo wa dirama: ndi muhumbulo muhulwane wa dirama/zwe dirama ya disendeka khazwo.

Tshivhumbeo: ndi zwe dirama ya fhatiswa zwone ri tshi sedza nthā na mabono khathihi na mufhindulano.

Ndugiselo ya tshiteidzhi: ndi u lugisela tshiteidzhi musi bono li tshi fhela uri hu kone u tevhela linwe musi dirama i tshi khou tambiwa zwi kwama na khositshumu (zwiambaro, mavhone, mibvumo/muzika na kushumisele kwa thekhinołodzhi).

Mutumbu

NWONGO:

- Nwongo wa dirama iyi ndi wa u kaidza vhaswa u ri kha vha litshe u thutha thumbu ngauri zwi fhedza zwe vha dzhenisa khomboni.

TSHIVHUMBEO:

- Dirama iyi i na luṭa luthihi lwo vhumbwaho nga mabono maṇa.
- Bono linwe na linwe li na muhumbulo walō, mihibulo iyo yo tangana i vhumba muhumbulo muhulwane wa luṭa lwonolwo. Mihumbulo ya nthā ya tangana i vhumba muhumbulo muhulwane wa dirama/nwongo wa dirama.

Tsumbo:

- Muhumbulo wa Bono la u thoma ndi wa u nea ngeletshedzo matshudeni nga ha vhuteamīta.
- Muhumbulo wa Bono la vhuvhili ndi wa u tshinyiwa ha Marubini.
- Muhumbulo wa Bono la vhuraru ndi wa u thutha thumbu ha Marubini.
- Muhumbulo wa Bono la vhūna ndi wa u maliwa ha Marubini a si tsha vha na riwana.

Lūta lwa dirama heyi u bva kha Bono la u thoma u swika kha la vhūna ri wana muhumbulo muhulwane wo lunzhedzanaho zwavhūdi, une wa vha wa u thutha thumbu ha Marubini a fhedza a sa tsha beba.

NDUGISELO YA TSHITEIDZHI

- Bono linwe na linwe musi li tshi fhela hu fanela u vha na ndungiselo ya tshiteidzhi. Fhethuvhupo hu a shanduka na ndungiselo dzi fanela u shanduka na dzone.
- Tsumbo:
 - Bono la u thoma li khou tambelwa holoni ho kuvhanganaho vhana vha tshi khou ambiwa navho nga ha vhuteamīta.
 - Bono la vhuvhili li khou tambelwa hayani ha Marubini he a diwana e na Thumbu, a vho humbula u ya u tolwa ha dokotela.
 - Bono la vhuraru li khou tambelwa hayani ha Marubini nga madekwana musi a tshi lora a tshi khou bvisa thumbu.
 - Bono la vhūna li khou tambelwa ofisini vhuongeloni hune Marubini a shuma hone. Hezwi zwi amba uri hu fanela u vha na ndugiselo ya tshiteidzhi vhunga fhethuvhupo hu tshi khou shanduka u bva kha bono lino u ya kha linwe.

Hu na u elela na u lunzhedzana havhūdi ha mafhungo ōthe. Nahone ndila ye mabono a vhewa ngayo ro sedza nzudzanyo ya tshiteidzhi ndi zwavhūdi. Hu nga si vhe na u shandula tshiteidzhi ho kalulaho vhukati ha mabono, vhupo na hone hu a elana. Vhatambi vhahulwane a vho ngo ḫala u fhira mpimo.

Muñwali o kona u bvisela nwongo wa dirama iyi khagala, tshivhumbeo tshayo na kudzudzanye kwa tshiteidzhi zwo farana nga ndila i fushaho.

[25]

MBUDZISO 14 (Mbudziso pfufhi)***HA U TSA NDI HA U GONYA – LL Mafenya, NA Milubi******Ralutanda – NA Milubi***

- 14.1 -Ndi u ambara kukete kupfufhi kwa musalauno.
-U vha takadza siani la lufuno. (2)
- 14.2 Vha hodelani ya Vuwa Park; vha khou takadzana nga zwa lufuno. (2)
- 14.3 - Vhothe vha funesa tshelede u fhira vhutshilo ha muthu.
- Vhuvhili havho a vha dithonifhi kha mafhongo a zwa vhudzekani/lufuno. (2)
- 14.4 Vha fana kha la uri vhothe vha funana na Sofi/vhuvhili havho vha ita zwa vhufarekano/vhudzekani vhu songo tsireledzeaho/a vha fhulufhedzei kha zwa lufuno. (2)
- 14.5 Vho-Sara vha gungulela Vho-Ralutanda nge vha divha zwauri u khou lenga a tshi bva ha Sofi ane a shuma bekharani, nahone u khou mu fhatela na giratshi. (2)
- 14.6 Hu khou kaidziwa vhanna na vhaftumakadzi uri vha fulufhedzee siani la lufuno mitani yavho/vhutshiloni havho. (2)
- 14.7 Ndi u kaidza vhathu uri vha thonifhe vhutshilo ha vhai*we* vhathu, vha si vhulahe vha tshi itela tshelede/Ri songo tshila ri sa fhulufhedzei siani la lufuno nahone ri ditsireledze kha zwa vhudzekani/Ndivho ndi ya uri vha tea u litsha maitele a u sa fulufhedzea siani la lufuno. (2)
- 14.8 Ndi a u a fhedza o vhulaha mufumakadzi wawe a si wane na peni zwa mu dzidzivhadzisa. (2)
- 14.9 Zwi amba uri ndi khwine u tou vhulaha muthu – nangoho zwo mbo ralo Vho-Sara vha vhulahiwa, fhedzi ha vha u sokou didzhenisa khomboni vhunga hu si tshe na zwe vha wana ngauri tshelede ya pholisi a yo ngo bva. (2)
- 14.10 Hai, vho vhulaha mufumakadzi wavho nge vha tutuwedzwa nga mufarekano wavho Sofi vha tshi toda tshelede ya dzipholisi. (2)
- 14.11 Hai, a zwo ngo tea ngauri munna ho ngo tea u vhulaha mufumakadzi wawe a tshi itela u wana tshelede/A ri tei u bindudza nga lufu Iwa mu*riwe*. (2)
- 14.12 Ndi ha u holedza/sasalandza/nyefula/uri koto! Vho-Ralutanda vho dzidzivhala ngauri vho vha vho ita tshitihu tsha u vhulaha mufumakadzi wavho, ngeno na tshelede vha songo tsha i wana (na zwi*nwevho* zwi pfalaho). (3)

[25]

MBUDZISO 15 (Mbudziso ndapfu)

MILOMO YA NUKALA – MP Nefefe

KHA VHA DZHIELE NZHELE: Vha shumise adendamu iyi khathihi na rubriki i re magumoni a memorandamu uyu.

Maraga dza tshivhumbeo na luambo dzi avhelwe nga ndila i tevhelaho:

- Arali e kha khoudu 6-7 u wana maraga 4
- Arali e kha khoudu 4-5 u wana maraga 3
- Arali e kha khoudu 1-3 u wana maraga 2

ADENDAMU

Nwongo wa dirama: ndi muhumbulo muhulwane wa dirama/zwe dirama ya disendeka khazwo.

Tshivhumbeo: ndi zwe dirama ya fhatiswa zwone ri tshi sedza nthia na mabono.

Ndugiselo ya tshiteidzhi: ndi u lugisela tshiteidzhi musi bono li tshi fhela uri hu kone u tevhela linwe musi dirama i tshi khou tambiwa zwi kwama na khositshumu (zwiambaro, mavhone, mibvumo/muzika na kushumisele kwa thekhinołodzhi).

NWONGO:

- Nwongo wa dirama iyi ndi wa uri vhanna/vhokhotsi kha vha litshe u tambudza vhana na vhafumakadzi vhavho ngauri vha fhedza vho wela khomboni. Vho-Bukuła vha tambudza Ntshengedzeni lwa vhudzekani ngeno mufumakadzi wavho Vho-Takalani na nwana Tsumbedzo vha tshi vha hambekanya na u vha rwa.

TSHIVHUMBEO:

- Dirama iyi i na nthia tharu dzo vhumbwaho nga mabono.
- Bono linwe na linwe li na muhumbulo wało, mihumbulo iyo yo tangana i vhumba muhumbulo muhulwane wa luła lwonolwo. Mihumbulo ya nthia ya tangana i vhumba muhumbulo muhulwane wa dirama/nwongo wa dirama.
- Tsumbo:
 - Luła lwa u thoma, Mabono 1–5
 - Muhumbulo wa Luła lwa u thoma ndi wa u sumbedza u shengedzwa ha Tsumbedzo na Ntshengedzeni nga Vho-Bukuła. Tsumbedzo u dzulela u gungula, ngeno Ntshengedzeni a sa tsha shuma zwavhuđi tshikoloni.
 - Muhumbulo wa bono 1; ndi wa u rwiwa ha Tsumbedzo a songo sheledza miri.
 - Muhumbulo wa bono 2; u tambudza ha Ntshengedzeni lwa vhudzekani.

- Kha Lūa lwa vhuvhili ndingedzo dza u thusa Ntshengedzeni a dzi khoushuma.
Muhumbulo wa bono 1; vhadededzi vha khoushuma t̄odulusa thaidzo ine Ntshengedzeni a vha nayo. Vha ita uri vhabebi vha Ntshengedzeni vha de tshikoloni.
Muhumbulo wa bono 2; vhabebi vha Ntshengedzeni vha ya tshikoloni u pfa thaidzo yawe.
Muhumbulo wa bono 3; Tsumbedzo u gungula nga u sa farwa hawe u fana na Ntshengedzeni.

- Kha Lūa lwa vhuraru: Ntshengedzeni u wana thuso tshikoloni kha mushumelavhapo na mapholisani. Vho-Bukūta vha fhedza vho fariwa.
Muhumbulo wa bono 1; Ntshengedzeni u shavhela ha makhadzi.
Muhumbulo wa bono 2; Ntshengedzeni u t̄odou mila mabodelo a divhulaha.
Muhumbulo wa bono 3; Vho-Takalani na Ntshengedzeni vha ya ha vhashumelavhapo.
Muhumbulo wa bono 4; Vho-Bukūta vha rwa Vho-Takalani vha fhedza vha farwa nga mapholisa.

NDUGISELO YA TSHITEIDZHI:

- Bono jīnwe na jīnwe musi jī tshi fhela hu fanela u vha na ndungiselo ya tshīteidzhi. Fhethuvhupo hu a shanduka na ndungiselo dzi fanela u shanduka na dzone, vhabvumbedzwa vha bva na u dzhena, vha tshintsha zwi amba, tshedza tsha mavhone tshi a shandukiswavho, hu dī nga na mizika u tea u shanduka zwi tshi tevhedza nyimele/zwiitei. Hezwi zwi shumisa thekhinołodzhi.

- Tsumbo:
Bono ja u thoma jī khoushuma tambelwa muđini wa Vho-Bukūta, ja vhuvhili lufherani lwa u eđela lwa Ntshengedzeni, ngeno ja vhuraru jī tshi khoushuma tambelwa tshikoloni tsha Bababa. Hezwi zwi amba uri hu fanela u vha na ndugiselo ya tshīteidzhi vhunga fhethuvhupo hu tshi khoushuma shanduka.

Hu na u elela havhuđi ha mafhuno othe. Nahone ndila ye mabono a vhekanywa ngayo khathihihhi na nzudzanyo ya tshīteidzhi ndi zwavhuđi. Hu nga si vhe na u shandula tshīteidzhi ho kalulaho vhukati ha mabono, vhupo nahone hu a elana. Vhatambi vhahulwane a vho ngo đala u fhira mpimo. Thuso ya thekhinołodzhi i nga mbo ńanisa nzudzanyo kwayo ya tshīteidzi; ngeno mavhone, khisitshumu zwi tshi nga tou bveledza mađetele a kungaho mađo u vhona.

Muňwali o kona u bvisela ŋwongo wa đirama iyi khagala, tshivhumbeo tshayo na kudzudzanyele kwa tshīteidzhi nga ndila i fushaho.

[25]

MBUDZISO 16 (Mbudziso pfufhi)***MILOMO YA NUKALA – MP Nefefe***

- 16.1 -O vha a sa tsha shuma zwavhudi tshikoloni a tshi vhonala e na thaidzo.
 -O waniwa nga khonani yawe Muofhe bungani la tshikolo a tshi khou todou mila mabodelo. (2)
- 16.2 Vhe ofisini ya mushumelavhapo (Vho-Awelani), vho da u toda thuso ya Ntshengedzeni we a vha a tshi khou tambudzwa lwa vhudzekani nga khotsi awe (Vho-Bukuta). (2)
- 16.3 Vho-Takalani vho do dinalea nga zwe Vho-Bukuta vha ita kha nwana wavho, lwe vha fhedzisela vho vhiga mulandu mapholisani. (2)
- 16.4 Vhothe vho vha vha tshi khou tambudziwa nga Vho-Bukuta vha tshi sokou fhumula vha sa vha dzhieli vhukando/Ntshengedzeni u tambudzwa lwa vhudzekani nga khotsi awe, ngeno Vho-Takalani vha tshi dzulela u rwiwa na u semiwa nga Vho-Bukuta. (2)
- 16.5 Vho-Bukuta vho ri vha tshi talutshedziwa nga ha nwana wavho Ntshengedzeni vha halifha vha ri wavho nwana ha na thaidzo, nahone kha litshiwe o ralo. (2)
- 16.6 Muñwali u khou kaidza vhabebi/vhokhotsi uri vha litshe u tambudza vhana na vhafumakadzi mitani na shangoni. (2)
- 16.7 Tsha zwila mulovha he vhanna vha vha sa thonifhi pfanelo dza vhafumakadzi na vhana vhavho/vha sa langiwi nga ndayotewa ya shango na pfanelo dza vhathu. (2)
- 16.8 Vho tshinya Ntshengedzeni nwana wavho zwi songo tea vha fhedza vha farwa vha valelwa dzhele. (2)
- 16.9 Murero u amba uri muthu a itaho zwo vhifhaho na ene u a pfiswa vhutungu. Vho-Bukuta vho tshinya nwana wavho zwi songo tea; ngauralo Vho-Bukuta a vha lilelwi, ndi mbadelo ya mishumo yavho mivhi. (2)
- 16.10 Hai, zwi amba u sedza arali (Ntshengedzeni) e na thumbu. (2)
- 16.11 Ku a pfala; Vho-Takalani sa mubebi/mufumakadzi muñwe na muñwe vha tea u tsireledza vhana vhavho musi vha tshi khou tambudzwa ngauri u beba a si u ka muroho. (2)

- 16.12 Ndi tou ri koto! Tshigwevho tshe Vho-Bukuta vha tshi wana tsho vha
mbadelo yavho ngauri vho vha vha tshi khou tambudza vhana na
mufumakadzi. (3)

THANGANYELO YA KHETHEKANYO YA C: 25
MARAGAGUTE: 80

RUBRIKI YA U TOLA/MAKA MBUDZISO NDAPFU KHA VHURENDI

KHOUDU	7 Vhuswikeleli ha nth̄esa 80–100%	6 Vhuswikeleli ha nth̄a 70–79%	5 Vhuswikeleli ho dziaho 60–69%	4 Vhuswikeleli vhu fushaho 50–59%	3 Vhuswikeleli ho linganelaho 40–49%	2 Vhuswikeleli ha fhasi 30–39%	1 U sa swikelela 0–29%
Zwi re ngomu na luambo	<p>-U talutshedza thoho lwa vhudzivha, zwipida zwe the zwo kwamiwa lu fushaho.</p> <p>-Phindulo yo vhewaho lwa nth̄a nth̄esa: 90%+.</p> <p>Phindulo yo vhewaho lwa nth̄esa: 80 – 89%.</p> <p>-Mihumbulo minzhi yo dziaho i khou tandavhudzwa ya tikedzwa u bva kha tshirendo.</p> <p>-U pfesesa lwa nth̄esa kha lushaka holwu lwa maiwalwa na tshirendo.</p> <p>-Mafhuno a re na ndunzhendunzhe.</p> <p>- Mathomo na magumo zwa nth̄esa.</p> <p>- Mihumbulo yo vhekanywa na u fhat̄wa zwavhuđi</p> <p>-Luambo, khalo na tshitaila zwo vhibvaho, zwi nyanyulaho, zwo lulamaho.</p>	<p>-U talutshedza thoho lu re nth̄a ha ndinganyo, zwipida zwe the zwo kwamiwa lu vhuedzaho.</p> <p>-Phindulo yo fhelelaho.</p> <p>-Mihumbulo minzhi i pfalaho yo newa, ya tikedzwa zwavhuđi u bva tshirendon.</p> <p>-U pfesesa havhudisa ha lushaka lwa mariwalwa na tshirendo</p> <p>-Phindulo yo dzudzanywa zwavhuđi.</p> <p>-Mathomo na magumo zwavhuđi.</p> <p>-Mafhuno na kuhumbulele zwi a tevheea nga vhulelu.</p> <p>- Luambo, khalo na tshitaila zwo lulamaho nahone zwo teaho ndivho.</p> <p>Likumedzwa lavhuđi.</p>	<p>-U sumbedza u pfesesa ho khetheaho nahone o talutshedza thoho zwavhuđi.</p> <p>-Phindulo i no di pfala yo newa.</p> <p>-Miriwe mihumbulo i pfalaho yo newa, hone i si yo the nahone i songo tikedzwa nga ndila yo lavhelelwaho.</p> <p>-Hu na tsumbo ya u pfesesa lushaka lwa mariwalwa na tshirendo.</p> <p>-Phindulo yo dzudzanywa zwavhuđi.</p> <p>-Tshivhumbeo tshi re khagala na nyelelo ya mafhuno a pfalaho.</p> <p>-Marangaphanda na magumo na dziñe phara zwo dzudzanywa hu na ndunzhendunzhe.</p> <p>-Nyelelo ya phindulo i a kona u tevhelea.</p> <p>- Luambo, khalo na tshitaila hunzhi zwo lulama.</p>	<p>- U talutshedza thoho lwa khwine a hu ngo kwamiwa zwipida zwe the nga vhudalo.</p> <p>-Hu na dziñe pfesesa hu songo mbuno dzavhuđi dici tikedzaho thoho.</p> <p>-Vhunzhi ha mafhuno o tikedzwa, fhedzi kanzhi lu sa tou tendisea.</p> <p>-Mutheo wa kupfeselwe kwa lushaka lwa mariwalwa na tshirendo zwi hone.</p> <p>- Dziñe tsumbo dza tshivhumbeo.</p> <p>- Phindulo i tachelo nyelelo yo dzudzanyiwaho zwavhuđi i re na ndunzhendunzhe.</p> <p>-Vhukhakhi vhutuku kha luambo, khalo na tshitaila.</p> <p>-Hunzhi zwo tea.</p>	<p>-Ndingedzo zwadzo dza u fhindula mbudziso.</p> <p>-Phindulo i tana u pfesesa hu songo yelaho kule na thoho.</p> <p>-Mihumbulo a i kholwisei nahone hu na u tikedza u bva tshirendoni hutuku.</p> <p>-Mugudi ha ngo pfesesa lushaka lwa mariwalwa na tshirendo itsho na kathihi.</p> <p>-Phindulo i tana vhupulani ho khakheaho.</p> <p>-Mafhuno ha ngo tevhekana zwavhuđi.</p> <p>-Hu na tsumbo dza vhukhakhi ha luambo. Khalo na tshitaila a zwi tei ndivho ya kuñwalele kwa akademi.</p>	<p>-U sa pfesesa thoho.</p> <p>-Phindulo i na ndovhololo nahone tshiñwe tshifhinga i tshi amba zwo bvaho.</p> <p>-Muhumbulo a wo ngo ya kule, thalutshedzo yo khakheaho/mihumbul o a i tikedzwi u bva tshirendoni.</p> <p>-U pfesesa lushaka na tshirendo ha fhasisa.</p> <p>-Likumedzwa la fhasi nahone li tachelo vhupulani, zwa mbo thithisa nyelelo ya mafhuno.</p> <p>-Vhukhakhi ha luambo na tshitaila tshi si tshone zwi ita uri tshipida tsha mariwalwa hetshi tshi sa bvelele nahone tshitaila a tshi elani na ndivho ya u riwala ha akademi.</p>	<p>-Phindulo i na vhushakanya na thoho fhedzi mafhuno ha tevhelelei, kana o tou bva tsothe.</p> <p>-Ndingedzo ya fhasisa ya u fhindula mbudziso.</p> <p>Mbuno thukhu dzo riwalwaho a dzi na thikhedzo kha tshirendo.</p> <p>-U pfesesa lushaka na tshirendo ha fhasisa.</p> <p>-Zwi a konda u amba uri thoho yo fhindulwa.</p> <p>- A hu na tsumbo ya vhupulani.</p> <p>- Luambo lwa fhasisa. Tshitaila na khalo zwo khakheaho.</p> <p>- A hu na ndunzhendunzhe.</p>

Vhuñe ha khandiso iyi ho vhaledzwa

Iyani kha siat̄ari li tevhelaho

8–10

7

6

5

4

3

0–2

RUBRIKI YA U MAKU MBUDZISO NDAPFU KHA NGANEA NA DIRAMA: 25

Kha vha dziele nzhle phambano i re kha kuavhele kwa maraga kha tshivhumbeo na zwi re ngomu

KHOUDU NA KUAVHELE KWA MARAGA		ZWI RE NGOMU (15)		TSHIVHUMBEO NA LUAMBO (10)
		Utalutshedza thoho. Vhudzivha ha mihumulo, u tikedza na u pfesesa tshibveledzwa.		Tshivhumbeo, nyelelo i re na ndunzhendunzhe na likumedzwa. Luambo, khalo na tshitaila zwo shumiswaho kha phindulo.
<i>Khoudu 7</i> 80–100%	Vhuswikeleli ha nthesa Maraga: 12–15	<ul style="list-style-type: none"> U talutshedza thoho lwa vhudzivha, zwipiда zweхe zwo kwamiwa nga vhuđalo. Phindulo ya nthenthesasa: 90%+. Phindulo ya nthesa: 80 – 89%. Mihumbulo minzhi ya vhudzivha i tikedzwa u bva kha tshibveledzwa. U pfesesa ha nthesa ha lushaka lwa mariwalwa na tshibveledzwa. 	Vhuswikeleli ha nthesa Maraga: 8–10	<ul style="list-style-type: none"> Tshivhumbeo tshi re na ndunzhendunzhe. Marangaphanda na magumo zwa nthesa. Mihumbulo ya dzudzanywa zwavhuđi nahone yo fhađwa zwavhuđi. Luambo, khalo na tshitaila zwo vhibvela, zwi a nyanyula nahone zwo lulama.
<i>Khoudu 6</i> 70–79%	Vhuswikeleli ha nthha Maraga: 11	<ul style="list-style-type: none"> U talutshedza thoho lwa nthha ha ndinganyo, zwipiда zweхe zwo kwamiwa lwo linganaho. Phindulo yo dodomedzwaho. Ho newa mihumulo minzhi i pfalaho, i tikedzwaho u bva kha tshibveledzwa. U pfesesa lushaka lwa mariwalwa na tshibveledzwa havhudisa. 	Vhuswikeleli ha nthha Maraga: 7	<ul style="list-style-type: none"> Phindulo yo dzudzanywa zwavhuđi. Marangaphanda na magumo zwavhuđi. Mihumbulo na kuhumbulele zwi a tevhelelea. Luambo, khalo na tshitaila zwo lulama nahone zwo tea ndivho. Likumedzwa lavhuđi.
<i>houdu 5</i> 60–69%	Vhuswikeleli ho dziaho Maraga: 9 of 10	<ul style="list-style-type: none"> U sumbedza u pfesesa nahone a talutshedza thoho zwavhuđi. Phindulo yo dodomedzwaho lwa khwine. Miriwe mihumulo i pfalaho yo newa, fhedzi hu si yothe nahone i sa tikedziwe nga ndila yo lavhelelwaho. Hu na tsumbo ya u pfesesa lushaka lwa mariwalwa na tshibveledzwa. 	Vhuswikeleli ho dziaho Maraga: 6	<ul style="list-style-type: none"> Tshivhumbeo tshi re khagala na nyelelo ya mihumulo i re na ndunzhendunzhe. Marangaphanda na magumo na dzirwe phara zwo dzudzanywa hu na ndunzhendunzhe. Nyelelo ya mihumulo i a kona u tevhelelea. Luambo, khalo na tshitaila vhunzhi hazwo zwo lulama.

<i>Khoudu 4</i> 50–59%	Vhuswikeleli vhu fushaho Maraga: 8	<ul style="list-style-type: none"> U talutshedza thoho lwa khwine, a si zwothe zwipiда zwe kwamiwaho nga vhudalo. Hu na dziwe mbuno dici tikedzaho thoho. Mihumbulo minzhi yo tikedzwa fhedzi a hu na vhutanzi vhu pfalaho/tendiseaho. U pfectesa lushaka lwa maiwalwa na tshibveledzwa lwa mutheo. 	Vhuswikeleli vhu fushaho Maraga: 5	<ul style="list-style-type: none"> Hu na dziwe tsumbo dza tshivhumbeo. Phindulo i tahela nyelelo yo dzudzanyiwaho zwavhudi i re na ndunzhendunzhe. Vhukhakhi vhutuku ha luambo, khalo na tshitaila hunzhi zwe tea. Kanzhi hu na ndunzhendunzhe kha dziphara.
<i>Khoudu 3</i> 40–49%	Vhuswikeleli ho linganelaho Maraga: 6 of 7	<ul style="list-style-type: none"> Ndingedzo zwadzo dza u fhindula mbudziso. Mbudziso yo fhindulwa hu na vhudzivha vhutukusa. Mihumbulo a i tutuwedzi nahone hu na u tikedza hułku zwi bvaho kha tshibveledzwa. Mugudi ha ngo vhuya a pfectesa lushaka lwa maiwalwa na tshibveledzwa. 	Vhuswikeleli ho linganelaho Maraga: 4	<ul style="list-style-type: none"> Tshivhumbeo tshi sumbedza u shaea ha vhupulani. Mafhuno ha ngo dzudzanywa lune a tevhekana. Tsumbo dza vhukhakhi ha luambo. Khalo na tshitaila a zwe ngo tea ndivho ya maiwalwa a akademi. Phara dzo khakhea.
<i>Khoudu 2</i> 30–39%	Vhuswikeleli ha fhasi Maraga: 5	<ul style="list-style-type: none"> U pfectesa thoho ha fhasisa. Phindulo yo dala ndovhololo nahone huñwe yo bva. Mihumbulo a si ya vhudzivha, thalutshedzo yo khakheaho/Mihumbulo a i tikedzwi zwi tshi bva kha tshibveledzwa. U pfectesa ha fhasi lushaka lwa maiwalwa na tshibveledzwa. 	Vhuswikeleli ha fhasi Maraga: 3	<ul style="list-style-type: none"> Likumedzwa la fhasi nahone li tahelaho tshivhumbeo tsho pulaniwaho zwi thithisa nyelelo ya muhumbulo. Luambo lwo khakheaho na tshitaila tshi si tshone zwi ita uri zwe niwalwaho zwi si vhe zwa vhukuma nahone tshitaila a tsho ngo tea ndivho ya u niwala ha akademi. Phara dzo khakhea.
<i>Khoudu 1</i> 0–29%	U sa swikelela Maraga: 0–5	<ul style="list-style-type: none"> Phindulo i sumbedza vhuiwe vhushaka na thoho fhedzi mihumbulo i a kondà u tevhelela nahone/kana yo bva tshothe. U kundelwa kha ndingedzo ya u fhindula mbudziso. Mbuno thukhu dzo lulamaho a dici na thikhedzo u bva kha tshibveledzwa. U kundelwa u pfectesa lushaka lwa maiwalwa na tshibveledzwa. 	U sa swikelela Maraga: 0–2	<ul style="list-style-type: none"> Zwi a kondà u amba arali mbudziso yo fhindulwa. A hu na tsumbo ya tshivhumbeo tsho pulaniwaho hu na theyhekano. Luambo lwa fhasi-fhasi. Tshitaila na khalo zwe khakheaho. A hu na dziphara kana ndunzhendunzhe.